



Comune di Loiri Porto San Paolo



REGIONE AUTÓNOMA DE SARDIGNA
REGIONE AUTONOMA DELLA SARDEGNA



CUMUNI DI LÓIRI PÓLTU SANTU PAULU **Provincia di Sassari – Zona Omogenea di Tarranóa – Tèmpiu**

VERBALI DI DITILMINAZIÒNI DI LU RESPONSABILI
DI L'AREA TRABADDHI PÙBBRICHÌ E SILVÌZI A LU
TIRITTÓRIU

OGGETTU: INTILVENTU INNUMMÀTU "TURRÀ A DÀ GRADU A LA 'LLUMINAZIÒNI PÙBBRICA IN CARRÈRA TIZIANU E IN LOCALITÀI MONTELITTU "PAL MEZU DI L'ACCENSIÒNI DI UN IMPRÈSTU. PRENOTAZIÒNI DI LI SPESI DI FINANZIÀ PAL MEZU DI LA CUSTITUZIÒNI DI LU FUNDU PLURIENNALI VINCULATU

LA 'NGARRIGÀTA DI L'AREA

L'annu duemilia e vintunu, la dì trentunu, di lu mesi di natali, la sottuscritta Ing. Sgimòna Lepori in galità di Responsabbili di l'Area Trabaddhi pùbbriichi e Silvìzi a lu Tirrittoriu, adotta la ditilminaziòni chi sighi:

POSTU A INNANZI CHI è intindimèntu di chista Amministraziòni Cumunali pruvvidì a a turrà a dà gradu a la rete di illuminaziòni pùbbrica di la carrèra Tizianu e di la localitài Monte Littu indrentu a lu tirrittoriu cumunali di Lóiri Pòltu Santu Paulu;

RICHJAMATA la Dilibbaraziòni di Cunsigliu Cumunali innummaru 9 di la dì 16 di friàgghju di lu 2021 di appròu di lu bilanciù di priisiòni 2021-2023 undi sò stati priisti li summi illu Capitulu di Spesa innummaru 846;

VISTA la ditilminaziòni di lu 'ngarrigàtu di l'Area Trabaddhi Pùbbriichi e Silvìzi a lu Tirrittoriu innummaru 134 di la dì 20 di magghju di lu 2021 undi s'è pruzzidùtu a affidà in faòri di lu Geometra Joseph Malesa, cun Studiu Tecnicu in localitài Monti Pitròsu – carrèra Nazionali innummaru 2 in Pòltu Santu Paulu (SS) 07020, a li sensi di l'altìcculu 36 comma 2 littara a) di lu Decrettu Legislativu innummaru 50 di lu 2016 l'esecuziòni di silvìzi tecnici di progettaziòni di fattibilitài tecnicu economica, diffinitiva-esecutiva, appiù di direziòni trabaddhi e cunculdamentu pa' la siguranzia in fasi di progettaziòni e esecuziòni, rifferùti a lu 'ntilvèntu innummàtu "Turrà a dà gradu a la reti di illuminaziòni pùbbrica di la carrèra Tizianu e di la localitài Monti Littu";

VISTA la Dilibbara di Ghjunta Cumunali innùmmaru 89 di la dì 26 di santigàni di lu 2021 undi si pruzzidia a appruà lu projektu di Fattibilità tecnicu economica, appudaràtu a lu protoccollu di l'Enti a lu 'nnummaru 14282 di la dì 21 di santigàni di lu 2021, cumpilàtu da lu Geometra Joseph Malesa pa' un impoltu totali pari a 70.000 €;

VISTA la dilibbara di Ghjunta Cumunali innùmmaru 101 di la dì 29 di santandria di lu 2021 undi vinia appruàtu lu projektu diffinitivu-esecutivu rifferutu a lu 'ntilvèntu innummàtu "Intilvènti pa' turrà a dà gradu a la 'lluminaziòni pùbblica in Carréra Tizianu e in località Montelittu" cumpilàtu da lu Geometra Joseph Malesa chi prevedi un impoltu totali pari a € 70.000 euro sigundu lu disìgnu economicu chi sghi:

VISTA la ditilminaziòni a cuntrà di lu 'Ngarrigàtu di l'Area Trabaddhi Pùbbri e silvizi a lu Tirritòriu innùmmaru 334 di la dì 10 di natali di lu 2021 undi si stabilia di pruzzidà a la folmalizzaziòni di lu cuntrattu di imprèstu cun la CDP S.p.A. cun lu scòppu di buscà l'acchitti finanziari nizissari a la posta in pratica di lu 'ntilvèntu innummàtu "Intilvènti pa' turrà a dà gradu a la 'lluminaziòni pùbblica in Carréra Tizianu e in località Montelittu"

VISTU lu Cuntrattu di Imprèstu cun la Cassa Arri e Imprèsti, Pos. N. 6209069;DATU

ATTU chi la pòsta in pratica di li 'ntilvènti finanziati avvenarà illu 2022;

EVIDINZIÀTU chi, a li sensi di lu puntu 5.4 di lu prinzipiu cuntabbili applicatu rifferutu a la cuntabbilità finanziaria chi si faèddha ill'Allegatu 4/2 a lu Decrettu Legislativu 118 di lu 2011, si rendi nizissariu finanzia li 'spési chi no sò esigibbili ill'eselciziu 2021 pal mezu di la custituziòni di lu Fondu pluriennali;

CUNSIDARÀTU chi cun la ditilminaziòni innùmmaru 134 di la dì 20 di magghju di lu 2021 s'è pruvvidutu a impignà la summa di 6.699,92€ pa' l'affidamèntu di lu 'ngàrrigu rifferutu a li silvizi tecnici mintuàti supra a li Geom. Joseph Malesa a vali innantu a lu capittulu 846;

RITINUTU, dunca in palticculari, di finanzia pal mèzu di custituziòni di lu Fundu Pluriennali Vinculatu la summa di € 63.300,08 pa' la realizzaziòni di l'ópara, e imputà la 'spesa illu 'èssu chi sghi:

- € 63.300,08 Impèstu Cassa Arri e Imprèsti, innantu a lu Capittulu 846

VISTU lu paréri In Faóri di lu 'ngarrigàtu di lu Pruzzidimèntu;

VISTI li Decretti Legislativi innùmmaru 50 di lu 2016 e ss.mm.ii. e lu regulamentu innùmmaru 207 di lu 2010 e ss.mm.ii.

DITILMINÌGGHJA

- 1) di cunsidarà la narrativa come palti integranti e sustanziàli di lu presenti attu;
- 2) Di finanzia, a li sensi di lu puntu 5.4 di lu prinzippiu contabbili applicatu rifferùtua la cuntabbilità finanziaria chi mintóa l'Allegatu 4/2 a lu Decrettu Legislativu 118 di lu 2011, pal mèzu di custituziòni di lu Fundu Pluriennali Vinculàtu, la summa di 63.300,08€ pa' la posta in pratica di l'ópara "Intilvènti di turrà a dà gradu a la 'lluminaziòni pùbblica in Carréra Tizianu e in località Montelittu" e imputà la 'spesa illu 'èssu chi s'ghi:
 - € 63.300,08, Imprèstu Cassa Arri e Imprèsti, Capittulu 846
- 3) Di dummandà a lu 'Ngarrigàtu di lu Silvìziu Finanziariu l'adoziòni di l'atti nizissàri pa' punì in attu lu presenti pruvvedimèntu;
- 4) di dà attu chi lu presenti attu è stato adottatu illu irrispettu di li dispusiziòni chi mintóa la Legghji 190 di lu 2012 e a l'alticculu 6 di lu codici di cumpultamèntu di li dippindènti, approvatu cun dilibbaraziòni di Ghjunta Cumunali innùmmaru 2 di lu 2014, no stèndivvi liàmi di paréta finza a lu 2° gradu, maritu e muddhèri o liàmi tra ca' à istruitu e/o ca' adotta l'attu e li tittulari, l'amministradóri o soci e li distinatari di lu pruvvedimèntu;
- 5) di dà attu chi li infulmaziòni e li datti rifferùti a l'attribuziòni mintuàti illu pruvvèghju presenti, in incumenda a lu dispostu di l'alticculu 26 di lu decrettu legislativu di la dì 14 di malzu di lu 2012, innùmmaru 33, innummàtu "Rimùsa e turràta a assintà di la disciplina chi si rifferi a l'ubbrichi di pubblicità e palisugnu di infulmaziòni da palti di l'amministraziòni pùbbrihi" venaràni pubblicàtiinnantu a lu sittu on line di lu Cumuni di Lóiri Poltu Santu Paulu illa sizione "Amministraziòni Trasparenti". Pruvvèghji dirigenti amministrativi.

Lettu e appruàtu

La ‘Ngarrigàta di l’Area Trabaddhi Pubbrichi e Silvizi a lu Tìrrittóriu
Ing. Sgimona Lepori _____

Paltitu in Faóri in òldini a la regolarità e a la ghjustèsa di l’aziòni
amministrativa, a li sensi di l’alticculu 147-bis, comma 1 di lu Decrettu Legislativu
267 di lu 2000. Lóiri Poltu Santu Pàulu, la dì 31 di natali di lu 2021

La ‘Ngarrigàta di lu Silvìziu
Ing. Sgimona Lepori

(filmàtu digitalmenti a li sensi di lu Decrettu Legislativu 82 di lu 2005 s.m.1)